



SULERIAASISSAQ

Meeqjanut Atuarfeqarnermullu Ataatsimiititaq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuttuni aqtsinermut inatsimmi taaneqartumi, ataatsimiititaliat ataavartut sulinermanni suleriaasissatut maleruagassartik namminneq aalajangersartapaat:

Ataatsimiititap sulinera

§ 1. Aqtsinermut inatsimmi § 29 aamma Kommuneqarfik Sermersuumi Aqtsinermut ileqqoreqqusami § 5, imm. 5. aamma § 10 naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititap susassaqarfii tuliakkiutigineqartut isumagissavai. Ataatsimiititaq suliani, inatsit naapertorlugu aamma ataatsimiititamut tuliakkiutigineqartunut aalajangiisassaaq.

Siulittaasumik siulittaasullu tullianik qinersineq.

§ 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiissaaq. Ilaasortaq sivisunerpaamik kommunalbestyrelsimit ilaasortaasimasoq ataatsimiinnissamut ataatsimiigiaqqusisuussaaq. Arlallit sivisoqatigiimmik ilaasortaasimappata, taakkunannga angajulleq ataatsimiigiaqqusisuussaaq.

Imm. 2. Inissititerfiusumik ataatsimiinnermi ataatsimiititami namminermi siulittaasumik amerlanerussuteqarnikkut qinersisoqassaaq, aqtsinermut inatsimmi § 27, imm. 1 naapertorlugu. Qinersineq ataatsimiinnissamut qaaqqusisumit ingerlanneqassaaq.

Imm. 3. Siulittaasumik qinersisoqareerpat, ataatsimiititap aalajangissavaa siulittaasup tullianik qinersisoqassaneroq. Taamaattoqassappat qinersineq siulittaasumit aqunneqassaaq, taannalu pisinnaanngippat, siulittaasumik qinersinermi aqtsisoq qinersinermik aqtsissaaq. Qinersineq siulittaasumik qinersinermi malittarisassat assingi malillugit ingerlanneqassaaq.

Imm. 4. Siulittaasup siviksumik ataatsimeeqataannginnerani siulittaasup tullia ataatsimiinnermi aqtsisuussaaq. Siulittaasup sinniisussaa ataatsimiigiaqquneqarpat, taanna ataatsimiititami ilaasortatut inississaaq.

Imm. 5. Qinigaaffiup naannginnerani siulittaasoq tunuassappat, imm. 2-mi periuseq nassuaatigineqartoq naapertorlugu, ataatsimiititaq siulittaasussaminik nutaamik qinersissaaq.

Ataatsimiititaliap ataatsimiittarnissai



§ 3. Ataatsimiititap sulinini ataatsimiinnerni ingerlatissavaa, Aqutsinermut inatsimmi § 28, imm. 1 naapertorlugu. Ataatsimiititap ataatsimiinneri matoqgasuupput.

Imm 2. Ataatsimiititap ataatsimiittarnissamini piffissaq nammineq aalajangersassavaa.

Imm. 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm 4. Ilaasortaq ataatsimeeqataasinnaanngippat, ilaasortap sinniisussaa ilaasortap ataatsimeeqataasinnaannginnera tamaat ataatsimeeqataasassaaq.

Ilaasortaq ataatsimiititap ataatsimiinnerani peqataasinnaanngikkuni, sapinngisamik piaartumik imaluunniit kingusinnerpaamik ataatsimiinnissaq ullunik marlunnik sioqquillugu kommuneqarfik@sermersooq.gl-imut, ataatsimiititap allattaa mailikkut CC-kkut ilanngullugu nalunaaruteqartassaaq. Tamatuma kingornagut allaffeqarfimmit sinniisussaaq ataatsimiigiaqquneqassaaq.

Imm. 5. Ataatsimiititap allattaata ataatsimiinnerit najuuffigissavai, ataatsimiititaq allamik aalajangiisimanngippat. Aqutsinermut inatsimmi § 28, imm. 4 naapertorlugu ataatsimiititaq isumaqparat suliamut tunngatillugu paassisutissiissuteqartoqassasoq, inuit allat, kommunimi atorfekartut, ataatsimiinnermi najuussinnaapput.

Imm. 6. Aqutsinermut inatsimmi § 28, imm. 4 naapertorlugu ataatsimiititaq kommunimi sulisuunngitsunik suliap suliarinerani aggersaasinnaavoq, suliap paassisutissiiffiginissaanut tamanna kissaatigineqarpat.

Oqaluuserisassat suliallu saqqummiunneqarnerat.

§ 4. Aqutsinermut inatsimmi § 27, imm. 1 naapertorlugu ataatsimiititap siulittaasua ataatsimiinnissamut oqaluuserisassaliussaaq, ilaasortanillu ataatsimiinnissamut ataatsimiigiaqqusilluni. Illeqquusumik ataatsimiinnisanut oqaluuserisassat aammalu suliat suliarineqarnissaannut paassisutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik sisamanik sioqquillugu nassiunneqassapput.

Oqaluuserisassat ilanngussallu politikerit isaavianni elektroniskiusumi pissarsiarineqarsinnaapput, atortorissaarut taanna aqqutigalugu politikerit ataatsimiinnerni atugassaat passunneqartarpot.

Imm 2. Ataatsimiititami ilaasortaq kinaluunniit kommunip susassaqarfii pillugit apeqquteqarsinnaatitaavoq, ataatsimiititap susassaqarfisa iluaniittunik. Apeqquteqaat naatsuliarineqarsimassaaq ersarissuliaasimassalluni naatsumillu tunngavilersuutitaqassalluni. Apeqquteqaat allaganngorlugu apeqquteqaatigineqassaaq, Pisortaqtigii Allatseqarfianut tunniunneqassallunilu.

Pisortaqtigii Allatseqarfiaata apeqquteqaat ingerlatsivimmi pisortamut susassaqartumut ingerlateqqissavaa, taassumalu nalilissavaa apeqquteqaat allaffissornikkut



akissuteqarfigineqarsinnaanersoq. Apeqquuteqaatit allaffissornikkut akissuteqarfigineqarsinnaasut akissuteqarfigineqassapput sapinngisamik ulluinnaat 10-t qaangiutsinnagit.

Apeqquuteqaat allaffissornikkut akissuteqarfigineqarsinnaanngippat apeqquuteqaat akissuteqarfigiumallugu ataatsimiititamut susassaqtumut ingerlateqqinneqassaaq.

Apeqquuteqaatit allaffissornikkut ulluinnaat 10-t sinnerlugit akineqartut aamma ataatsimiititamut susassaqtumut akissuteqarfigeqqullugit tunniunneqarsimasut pillugit, apeqquuteqaateqartoq ilisimatinneqartassaaq.

Apeqquuteqaatip kiisalu akissuteqaatip assilineri Kommunalbestyrelsimum ilaasortanut tamanut ataatsimoortillugit nassiunneqassapputtaaq.

Apeqputit akissutillu kommunip nittartagaani saqqummiunneqassapput. Apeqputit akissutillu paassisutissanik saqqummiuteqquaanngitsunik imaqarpata, taakku saqqummiunneqaratik communalbestyrelsimum ilaasortanut nassiunneqassapput.

Imm. 3: Immikkut ittumik ataatsimiittoqarnissaanut aggersaanermi ataatsimiititami siulittaasup ilaasortat sapinngisamik ataatsimiinnermi suliat sularineqartussat pillugit ilisimatittassavai.

Imm. 4. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 5. Aalajangiussassatut siunnersummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassangortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassanik nassiussinerni immikkoortoq imaluunniit immikkoortut ileqquusumik ataatsimiinnermi oqaluuserisassani ilanngunneqarsimannginnerannut tunngavilersuutit tamatigut ilanngunneqartassapput.

Imm. 6. Suliaq ileqquusumik oqaluuserisassanut imaluunniit oqaluuserisassanut tapiliussatut ilanngunneqanngitsoq suliassaq kinguartinneqarsinnaanngippat sularineqarsinnaavoq.

Imm. 7. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.

§ 5. Ilaasortat ikinnerpaamik affaat najuuppata, ataatsimiititaq aalajangiisinnaatitaavoq. Aqutsinermut inatsimmi § 28, imm. 1 naapertorlugu aalajangererit tamarmik amerlanerussuteqarnikkut pisassapput.

Imm. 2. Aqutsinermut inatsimmi § 27, imm. 1 naapertorlugu ataatsimiititap ataatsimiinneri siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, taamaanngippallu ataatsimiititami ilaasortap communalbestyrelsimum sivisunerpaamik ilaasortaasimasup ataatsimiinneq aqussavaa,



imaluunniit, arlaqartut sivisoqatigiimmik ilaasortaasimappata, taakkunanngaa angajulliup ataatsimiinneq aqussavaa.

Ataatsimiinnermi aqutsisup isumaqatiginninniarnermi apeqqutit tamaasa aalajangiiffigisassavai. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpq.

Imm. 3. Suliat siulittaasup tulleriaarinissamik aalajangiinera naapertorlugu suliarineqassapput, taamaasillunilu oqaluuserisassani tulleriaarisimaneq sanioqqutssissinnaallugu. Kisianni, ataatsimiititami ilaasortap ataatsip kissaatigippagu, suliat qanoq tulleriaarneqarlutik suliarineqassanersut, ataatsimiititap aalajangissavaa.

Imm. 4. Siulittaasoq, aqtsinermut inatsimmi § 27, imm 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnaatitaavoq. Suliassani inatsisiliornikkut ataatsimiititamut suliassanngortitaasimannngitsuni kinguartinneqarsinnaanngitsunili ataatsimiititami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinnejqarsimasuni.

Imm. 5. Immikkoortut taassisutigineqartussat siulittaasup oqaasertalersussavai.

Imm. 6. Ilaasortaq kinaluunniit, aqtsinermut inatsimmi § 27, imm 3 naapertorlugu, siulittaasup ataatsimiititami sulinera pillugu sunilluunniit apeqquteqaateqarsinnaatitaavoq, aammalu ataatsimiititap paasissutissanik piumasaqaaataanik tamanik siulittaasoq paasissutissiissaq. Siulittaasoq sutigut tamatigut ataatsimiititap aalajangersimasaanik naapertuisussaatitaavoq.

Imm. 7. Ataatsimiititami ilaasortaq kinaluunniit aqtsinermut inatsimmi § 30 naapertorlugu, ataatsimiinnermi aalajangerneqartumik unitsisisinnaatitaavoq, ataatsimiinnermi, aalajangernissaq kommunalbestyrelsimit aalajangiiffigisassanngortillugu aalajangiinermut imaqarniliamut nalunaarutigalugu.

Imm. 8. Aqtsinermut inatsimmi § 39, imm. 2 naapertorlugu ilaasortap ataatsimiititami siulittaasoq ilisimatittassavaa pissutissaqpat suliani aalajangersimasuni suleqataasinnaanerminut apeqqutinngortitsisinnaasunik. Aqtsinermut inatsimmi § 38 naapertorlugu ataatsimiititami aalajangerneqartassaaq ilaasortaq imatut soqutigisaqarnersoq, ilaasortaq ataatsimiititap suliamik suliarinninnerani peqataasinnaannginnersoq imaluunniit peqataasinnaanersoq. Taama ittoqartillugu pineqartoq suliaq pillugu isumaqatigiinniamermi taasinermilu ataatsimiiffimmiit anissaqq taamaattorli suliap pineqartup eqqartorneqarnerani ilaasortaq anissanersoq pillugu ataatsimiititap isumaqatigiinniarnerani taasineranilu peqataasinnaalluni.

Imm. 9. Aqtsinermut inatsimmi § 39, imm. 3 naapertorlugu ilaasortap suliamut aalajangersimasumut sammitillugu suleqataasinnaanera apeqquserneqarsinnaasorineqarpat communalbestyrelsimit gruppimi qinigaqatigisimasaani ilaasortat, aammalu ilaasortaq kisimiilluni qinigaasimappat, suleqataasinnaanera, apeqquserneqartoq nammineq sinniisussamik ataatsimiititaliap sulineranut aggersaasoqarnissaanik piumasaqarsinnaavoq.

Imm. 10. Ataatsimiititaliaq ilaasortap suleqataasinnaannginneranik aalajangiippat, sinniisussamik aggersaasoqarsimannngippat, taava communalbestyrelsimi ilaasortat



pineqartup qinigaaqtigisimasai, aamma pineqartoq kisimiilluni qinigaasimappat, ilaasortap nammineq, piumasaqarsinnaapput suliaq tulliani ataatsimiinnissamut kinguartinneqassasoq. Kinguartitsisinnaanerli periarfissaassanngilaq kinguartitsinerup kingunerissappagu piffissaliussat kommunip pisussaaffigisai eqqortinnejassanngippata.

Imm. 11. Aqutsinermut inatsimmi § 28, imm. 1 naapertorlugu ilaasortat sinniisussallu ataatsimiititami taasinerni aatsaat peqataasinnaapput, najuullutik ataatsimeeqataagunik imaluunniit tele attaveqaatit ikorsiullugit ataatsimeeqataagunik.

Imm. 12. Oqaluuserisassat, oqaluuserisassatut siunnersuutit atortussallu kommunimi allaffeqarfimmit suliarineqarsimasut kalaallisut qallunaatullu suliarineqarsimassapput, ilanngussat allatullu paassisutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Aalajangererit pillugit imaqarniliaq

§ 6. Ataatsimiititap siulittaasuata akisussaaffigaa, ataatsimiititami aalajangerneqartut aqutsinermut inatsimmi § 28, imm 3 naapertorlugu aalajangernermut imaqarniliamut allanneqarnissaat. Imaqarniliaq ataatsimiinneq naammassippat ilaasortanit ataatsimiinnermi najuuttunit akuerineqassaaq atsiorneqarlunilu. Ilaasortaq ataatsimiinnermi peqataasimannngikkaangat, aalajangiinermut imaqarniliamut allanneqartassaaq. Ilaasortaq ataatsimiinneq tamaat ataatsimeeqataasimannngippat, imaqarniliamut allanneqassaaq, immikkoortuni sorlerni piffissamilu ataatsimeeqataasimannnginna. Ilaasortani taakkunani kinaluunniit piumasaqarsinnaavoq isummani allaasoq naatsumik aalajangiinermut imaqarniliami allanneqaqqullugu, sulianilu pisortatut oqartussaasunut allanut ingerlateqqitassani piumasarisinnaallugu taassuma aamma imaqarniliap imaanik ilisimatinneqarnissaat. Aqutsinermut inatsit § 16, imm. 1 aamma § 28, imm. 3 naapertorlugit ilaasortap taassuma suliak nassiunneqarneranut atatillugu isummernerminut tunngaviliussani ilanngussinnaavaa.

Imm. 2. Ilaasortaq taasisimanini allamilluunniit peqquteqarnini innersuussutigalugu, aalajangernermut imaqarniliami atsiorumanngissinnaanngilaq.

Imm. 3. Siulittaasup qulakkiissavaa imaqarniliat toqorneqarnissaat, aammalu ataatsimiinnerup naammassinerata kinguninnguatigut ilaasortat sinnerisa imaqarniliap assinganik nassinneqarnissaat qulakkiissallugu.

Imm. 4. Aqutsinermut inatsimmi § 28, imm. 3 naapertorlugu aalajangiinermut imaqarniliat atsiorikkat Naalakkersuisunut nassiunneqarnissaat siulersuisup qulakkiissavaa.

Nipangiussisussaatitaaneq

§ 7. Ataatsimiititami ilaasortat nipangiussisussaatitaapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuuupput, eqqartorneqartullu allamut ingerlateqqitassaanngitsutut isigineqarput. Ataatsimiititap aalajangerneri tamanut



nalunaarutigineqarsinnaapput, kisianni paassisutissat nipangiussisussaatitaanermut tunngasut pinnagit.

Imm. 3. Ilaasortaq kinaluunniit paassisutissiisinnaatitaavoq, nammineq qanoq oqaaseqarsimanerminik taasisimanerminillu, nipangiussisussaatitaanermut tunngasut kisiisa pinnagit.

Ataatsimiititap aalajangernerinik suliqarneq piginnaatitaaffinnillu agquaassineq

§ 8. Siulittaasup qulakkiissavaa ataatsimiititap aalajangernerisa naammassineqarnissaat. Siulittaasup nakkutigissavaa, suliq arlaannaalluunniit pisariaqanngitsumik kinguarsarneqartariaqanngitsut.

Imm. 2. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

§ 9. Ingerlatsiviup siulittaasullu aalajangiisinnaatitaanerat ataatsimiititami aalajangiisoqarneratigut agguataameqassapput, aammalu inatsimmi atuuttumi malittarisassat malinnejqassapput.

Imm. 2. Ataatsimiititami isumaqatigiinnikkut suliq aalajangersimasut imaluunniit suuneri apeqqutaillugit siulittaasumut suliakkiutigineqarsinnaapput. Ataatsimiititaq ataatsimiititami ilaasortanut allanut/kommunalbestyrelsimum siulittaasup saniatigut piginnaatitsisinnaatitaanngilaq.

Imm. 3. Ataatsimiititaq amerlanerussuteqalaamikkut suliassanik aalajangersimasunik suunerilu apeqqutaillugit ingerlatsivimmut suliakkiuteqarsinnaavoq.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangernerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmut piginnaatitsissutigineqarsimanersut. Aamma allassimassaaq ulloq suna aalajangertoqarnersoq, taamaasilluni suliaq ajornannngitsumik nassaarineqarsinnaaniassamat.

Suleriaasissami allannquutit

§ 10. Suleriaatsimi allannguutit tapiliussallu ataatsimiititap ileqquusumik ataatsimiiffissaani oqaluuserineqassapput.

Imm 2. Ataatsimiititap suleriaasiani allannguutit borgmesterimut nalunaarutigineqassapput, suleriaatsip iluarsaatap nassiunneratigut.


Atuutilersitsineq

§ 11. Suleriaasissaq maajip ulluisa pingajuanni 2021-mi atuutilerpoq.



Kommuneqarfik Sermersooq
Meeqqañut Atuarfeqarnermullu Ataatsimiititaq

Meeqqañut Atuarfeqarnermullu Ataatsimiititap 2021-mi maajip ulluisa pingajuanni ataatsimiinnerani
akuersissutigineqarpoq.


Meeqqañut Atuarfeqarnermullu Ataatsimiititamut siulittaaseq

